



CONCELLO DE ARZÚA

Rúa Santiago, 2
15810 Arzúa
A Coruña
Telf: 981 50 00 00



DECRETO DA CONCELLEIRA DELEGADA DE TURISMO, PROMOCIÓN ECONÓMICA E ACCIÓN URBANA

ASUNTO: APROBACIÓN DAS BASES PARA O SORTEO “ARZÚA, O TEU MELLOR AGASALLO DE NADAL” –25/26-.

EXPEDIENTE: 2025/X006/000386

A Concellería de Promoción Económica, comercio e consumo do Concello de Arzúa organiza o sorteo “Arzúa, o teu mellor agasallo de Nadal” co obxecto de incentivar o comercio local no municipio, promovendo o mantemento do tecido empresarial local e tradicional así como o comercio de proximidade co obxecto de poñer de manifesto os beneficios que o comercio local representa desde o punto de vista económico, social e medio ambiental.

Nesta liña e dentro da época das compras de Nadal, o Concello en colaboración con AECA e ABANCA propón un sorteo de 50 tarxetas en premios por un importe total de 3.000,00 euros no que se poderá participar con calquera merca superior a 30€ nalgún dos locais incluídos no Centro Comercial Aberto de Arzúa (AECA) e que participan na campaña.

Considerando que o artigo 25 da Lei 7/1985, do 2 de abril, de Bases de Réxime Local establece que o municipio para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal, e que, en particular, o Municipio exercerá en todo caso como competencias propias, nos termos da lexislación do Estado e das comunidades autónomas, nas seguintes materias: i) Feiras, abastos, mercados, lonxas e comercio ambulante.

Vista a dilixencia de Fiscalización (Fase A) favorable do Interventor de data 11.12.2025,

Tendo en conta o anterior, e en virtude da delegación xenérica da Alcaldía realizada mediante Decreto 501/2023 do 13.07.2023 e do disposto no artigo 9.4 da Lei 40/2015, do 1 de outubro,

RESOLVO

PRIMEIRO.- Aprobar as bases do sorteo “Arzúa, o teu mellor agasallo de Nadal”, de acordo coas bases que se transcriben a continuación:

BASES PARA O SORTEO “ARZÚA, O TEU MELLOR AGASALLO DE NADAL” (50 TARXETAS AGASALLO) – NADAL 25/26

PRIMEIRO.- Aprobar as bases do sorteo “Arzúa, o teu mellor agasallo de Nadal”- 25/26-, de acordo coas bases que se transcriben a continuación:

1.- OBXECTIVO

A campaña do comercio local: **“Arzúa, o teu mellor agasallo de Nadal”** organizada pola Concellería de Promoción Económica, Comercio e Consumo do Concello de Arzúa, en colaboración co Centro Comercial Aberto de Arzúa (AECA) e ABANCA, leva a cabo un sorteo de 50 TARXETAS REGALO, no que poderá participar calquera persoa maior de idade que realice compras nos comercios de Arzúa durante o período da promoción, e que se desenvolve conforme ao establecido nas presentes bases.

2.- DURACIÓN E ÁMBITO

A presente promoción levarase a cabo entre o 15 de decembro de 2025 e o 15 de xaneiro de 2026.

Poderán participar todas as persoas físicas maiores de idade que compren calquera produto ou servizo nos comercios incluídos no Centro Comercial Aberto de Arzúa (AECA), excepto nos supermercados, farmacias e gasolineiras, que quedan excluídos por tratarse de servizos esenciais.

3.- REQUISITOS DE PARTICIPACIÓN

Os participantes deberán realizar compras superiores a 30€ en calquera establecemento do Centro Comercial Aberto de Arzúa, agás aqueles excluídos.

No ticket, superior a 30 €, deberá escribirse no reverso o nome e apelidos, DNI e número de teléfono, con letra clara e lexible. Aqueles tickets que non estean debidamente cubertos serán invalidados no caso de resultar premiados.

Os tickets deberán ser orixinais. En caso de necesitalos para garantías ou devolucións, será preciso solicitar un duplicado no momento da compra ou servizo.

Os tickets debidamente cubertos deberán depositarse nas urnas habilitadas en cada un dos establecementos participantes, desde o 15 de decembro de 2025 ata o 15 de xaneiro de 2026.

Cada participante poderá presentar tantos tickets como compras realice, sempre que cumpran coas bases.



CONCELLO DE ARZÚA

Rúa Santiago, 2
15810 Arzúa
A Coruña
Telf: 981 50 00 00



4.- PERÍODO DE PARTICIPACIÓN

Serán válidos todos os tickets de compras realizadas entre o 15 de decembro de 2025 e o 15 de xaneiro de 2026, ambos incluídos.

Os tickets presentados fóra deste período serán invalidados.

5.- PREMIOS

*A campaña consiste no sorteo de **3.000 € en premios**, repartidos en:*

- 10 tarxetas regalo de 100 € cada unha.*
- 40 tarxetas regalo de 50 € cada unha.*

As tarxetas regalo deberán empregarse exclusivamente nos comercios do Centro Comercial Aberto de Arzúa. Serán válidas desde a súa entrega ata o 28 de febreiro de 2026.

Os premios non se poderán canxear por diñeiro en metálico.

6.- DATA DO SORTEO

O sorteo realizarase o día 16 de xaneiro de 2026, ás 12:00 horas, no Salón de Plenos do Concello de Arzúa, en presenza do secretario municipal ou doutro funcionario municipal designado.

Extraeranse 50 tickets e verificarase que cumpran os requisitos establecidos nestas bases. En caso de incumprimento, o ticket será descualificado e retirado do sorteo.

7.- NOTIFICACIÓN AOS PREMIADOS

O día 20 de xaneiro de 2026 publicarase a lista cos nomes das persoas premiadas na páxina web, nas redes sociais e no taboleiro de anuncios do Concello de Arzúa.

As persoas premiadas serán contactadas telefonicamente para recoller as Tarxetas Regalo no Departamento de Promoción Económica, Comercio e Consumo situado no segundo andar da



CONCELLO DE ARZÚA

Rúa Santiago, 2
15810 Arzúa
A Coruña
Telf: 981 50 00 00



Casa do Concello de Arzúa, en horario de 09:00 a 14:00 horas. Será obrigatorio confirmar os datos coa presentación do DNI da persoa gañadora.

Para efectos de notificación aos premiados, o Concello de Arzúa cumprirá co disposto na Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais (LOPDGDD), así como co Regulamento (UE) 2016/679 do Parlamento Europeo e do Consello, de 27 de abril de 2016 (RXPD). O órgano responsable do tratamento dos datos é o Concello de Arzúa, situado na Rúa Santiago, nº 2, 15810 Arzúa (A Coruña). Poderase exercer o dereito de acceso, rectificación, cancelación ou oposición segundo a LOPDGDD.

8.- OBRIGAS E RESPONSABILIDADE DOS PREMIADOS

As tarxetas regalo deberán empregarse exclusivamente nos comercios e locais adheridos ao Centro Comercial Aberto de Arzúa, co obxectivo de fomentar o consumo no comercio local.

As persoas premiadas serán responsables do uso correcto das tarxetas regalo, evitándose calquera uso fraudulento.

9.- ACEPTACIÓN DAS BASES

A participación no sorteo implica o coñecemento e a aceptación das presentes bases. O Concello de Arzúa resérvase o dereito de introducir as modificacións necesarias para o bo funcionamento do sorteo, se o considera oportuno.

10.- INCUMPRIMENTO

O incumprimento dalgunha destas bases implicará a descualificación e retirada do sorteo.

11.- NORMATIVA APLICABLE

As presentes bases vinculan á administración e a quen participe no sorteo, e tanto a convocatoria coas súas bases e cantos actos administrativos se deriven das mesmas, poderán ser impugnadas polos interesados nos casos e formas que determine a Lei 39/2015, do 1 de outubro, do Procedemento Administrativo Común das Administracións Públicas; Lei 40/2015, do 1 de outubro, de Réxime Xurídico do Sector Público, así como no seu caso, na Lei 29/1998, do 13 de xullo, reguladora da Xurisdición Contencioso-Administrativa.



CONCELLO DE ARZÚA

Rúa Santiago, 2
15810 Arzúa
A Coruña
Telf: 981 50 00 00



SEGUNDO.- Autorizar o gasto por importe de 3.000 euros imputable á aplicación orzamentaria 431.480.04 do orzamento para o exercicio 2026

TERCEIRO.- Autorizar o gasto por importe de 350,00 euros na aplicación orzamentaria 931.359.00 do orzamento para o exercicio 2026 en concepto de comisión bancarias por expedición de tarxetas.

CUARTO.- Publicar as bases do sorteo no taboleiro de anuncios do Concello de Arzúa, así como nos demais espazos que se estimen convenientes para dar maior publicidade á campaña e colocar un exemplar das mesmas en cada establecemento participante que conte

QUINTO.- Dar traslado do presente acordo aos departamentos municipais afectados aos efectos oportunos.

SEXTO.- Dar conta ao Pleno da corporación na seguinte sesión que se celebre en cumprimento do establecido no artigo 42 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

En Arzúa, asinado dixitalmente na data que figura ao marxe

A Concelleira de Promoción Económica, Comercio e Consumo
Begoña Balado Conde

A Concelleira
Asdo.- BEGOÑA BALADO CONDE

Dou fe, o Secretario
Asdo.- ALFONSO MANUEL ALCALÁ PÉREZ